



2021 թվականի հունիսի 13-ին տեղի ունեցավ ՀՀ փաստաբանների պալատի մարզամշակութային ակումբի կազմակերպած **«Փաստաբանների ֆուտզալի գավաթ 2021»** մրցաշարի եզրափակիչ խաղերը և մրցանակաբաշխությունը:

«Վիրտուոզ» թիմի հետ խաղում երրորդ տեղի համար պայքարում հաղթող ճանաչվեց «Արարատ» թիմը (Ռոման Ահարոնյան, Արսեն Հարությունյան, Լևոն Վարդապետյան, Հարութ Ակլունց, Արաիկ Պետրոսյան, Արթուր Պողոսյան, փոխարինող՝ Գարիկ Հախնազարյան):

Առաջին տեղի համար խաղում ուժերը չափեցին խմբային խաղերի առաջատարներ «Չեմպիոն» և «Փաստաբանների դպրոց» թիմերը: Խաղի արդյունքներով **մրցաշարի հաղթող ճանաչվեց «Չեմպիոն» թիմը (Վազգեն Միրզոյան, Երեմ Դավթյան, Վազգեն Ղազարյան, Գևորգ Դավթյան, Հայկ Սարգսյան, Դավիթ Բաղդասարյան):** Բացառապես Փաստաբանական դպրոցի ունկնդիրներից կազմված **«Փաստաբանական դպրոց» թիմը (Վահան Սարգսյան, Էդգար Արսենյան, Վաչե Սիմոնյան, Արամ Կարապետյան, Արման Չոբանյան, Գարիկ Նահապետյան, Հարություն Հարությունյան) գրավեց պատվավոր երկրորդ տեղը:**

Հաղթող թիմերը պարգևատրվեցին գավաթներով, իսկ թիմերի անդամները՝ մեդալներով և պատվոգրերով:

Տավուշի մարզում գործող փաստաբաններից կազմված «Տավուշ» թիմը մրցաշարին ակտիվ մասնակցության համար պարգևատրվեց հուշագավաթով, մրցաշարում մասնակցած բոլոր թիմերի անդամները պարգևատրվեցին հավաստագրերով:

Մրցաշարի ընթացքում լավագույնս դրսևորած մասնակիցներից կկազմվի փաստաբանների հավաքականը՝ մինի ֆուտբոլի տարբեր մրցաշարերին մասնակցության և այլ կազմակերպությունների հետ մրցակցության նպատակով:

Մրցաշարի արդյունքների ամփոփմամբ՝ ՀՀ փաստաբանների պալատի նախագահի տեղակալ Հարութ Ակլունցը և Փաստաբանական դպրոցի տնօրեն Սիմոն Բաբայանը շնորհավորեցին հաղթողներին, շնորհակալություն հայտնեցին բոլոր մասնակիցներին մասնակցության համար՝

կարևորելով նմանատիպ մարզամշակութային միջոցառումների դերը փաստաբանական համայնքում համերաշխության և միասնականության ապահովման հարցում, ինչպես նաև կարևորեցին այդ միջոցառումներին բոլոր փաստաբանների ակտիվ մասնակցությունը:

Մարզամշակութային ակումբի ղեկավար Վրեժ Խաչիկյանը, ողջունելով մասնակիցների ակտիվ մասնակցությունը, ընդգծեց մինի ֆուտբոլի նախորդ տարիների մրցաշարերի համեմատ այս անգամ արձանագրված աննախադեպ մասնակցությունը (ութ թիմ), մարզում գործող փաստաբանների և Փաստաբանական դպրոցի ունկնդիրների մասնակցությունը՝ խոստանալով ապահովել այսպիսի միջոցառումների պարբերականությունը և շարունակականությունը:



```
Վերադառնալ $(window).load(function(){ if(typeof $(".fb_comments_count").html() != "undefined" && parseInt($(".fb_comments_count").html()) != 0){ updateCommentsCount(window.location.href); } })
```